

CONVENIO DE COLABORACIÓN ENTRE A CONSELLERÍA DO MAR DA XUNTA DE GALICIA E A AGENCIA ESTATAL CONSEJO SUPERIOR DE INVESTIGACIONES CIENTÍFICAS (CSIC), A TRAVÉS DO INSTITUTO DE INVESTIGACIÓNS MARIÑAS (IIM), PARA A REALIZACIÓN DO PROXECTO "CARACTERIZACIÓN DO ALIMENTO DE BIVALVOS DE INTERESE MARISQUEIRO NO INTERMAREAL DA ENSEADA DE SAN SIMÓN: DISPOÑIBILIDADE, FACTORES AMBIENTAIS E FERRAMENTAS PARA A SÚA XESTIÓN. (BIVALFOOD)".

MEMORIA XUSTIFICATIVA

A Directora Xeral de Desenvolvemento Pesqueiro da Consellería do Mar, **DECLARA:**

Que esta Dirección Xeral de Desenvolvemento Pesqueiro formalizou co Instituto de Investigacións Mariñas – Consejo Superior de Investigaciones Científicas (IIM-CSIC) o instrumento convencional arriba referido por un período de vixencia que abrangue dende a súa sinatura e finalizará o 20 de decembro de 2027.

Que o instrumento convencional ten por obxecto:

Establecer a colaboración entre a Xunta de Galicia, a través da Consellería do Mar, e o IIM-CSIC para avaliar se os bivalvos de interese marisqueiro teñen suficiente alimento ao longo do ano para determinar os factores que favorecen ou impiden a dispoñibilidade de dito alimento, e acadar os obxectivos da proposta:

1. Identificar as fontes de alimento das especies de interese marisqueiro ao longo dun ciclo anual, avaliando a orixe do alimento e como varía segundo a estación.
2. Caracterizar as propiedades do sedimento e da interface sedimento-auga que favorecen a dispoñibilidade de alimento para as especies de interese marisqueiro nos bancos intermareias.
3. Avaliar como os eventos climáticos extremos, como grandes riadas e ondas de calor, afectan ao alimento que sustenta aos bivalvos de interese marisqueiro.
4. Propoñer melloras para o marisqueo a pé e a súa semente baseadas nos resultados obtidos, incluíndo indicadores ambientais que o sector poida usar facilmente para a toma de decisións.



En particular, o convenio regula os compromisos das partes para a execución conxunta das mencionadas actuacións, incluíndo a organización do traballo, a xestión e xustificación da realización das mesmas, os dereitos e obrigas das partes, a distribución dos fondos e a titularidade dos resultados, así como a resolución dos posibles conflitos.

Que existe converxencia de intereses entre as entidades asinantes en orde á consecución do obxecto referido.

Que o instrumento convencional asinado se fundamenta no seguinte:

– Por Orde do 27 de xuño de 2022 créase a Rede entre o sector pesqueiro e os organismos científicos da Comunidade Autónoma de Galicia, coa finalidade de fomentar o intercambio e a transferencia de coñecementos entre os organismos científicos, o sector pesqueiro e a administración pesqueira de Galicia.

– O Regulamento (UE) 2021/1139 do Parlamento Europeo e do Consello, do 7 de xullo de 2021, polo que se establece o Fondo Europeo Marítimo, de Pesca e de Acuicultura (FEMPA), establece o seguinte obxectivo para o período 21-27: “Manter a pesca como actividade produtora sostible mediante a xestión sostible e a conservación dos ecosistemas mariños”. Por outra banda, a prioridade 1 do artigo 3 do citado Regulamento 2021/1139 fai mención a “fomentar a pesca sostible e a recuperación e conservación dos recursos biolóxicos acuáticos”, desenvolvendo obxectivos específicos entre os que se atopan: reforzar as actividades pesqueiras que sexan económica, social e medioambientalmente sostibles, obter datos fiables que permitan tomar decisións baseadas no coñecemento e contribuír á protección e á recuperación da biodiversidade e os ecosistemas acuáticos.

– Os proxectos aprobados pola citada Rede financiaranse nun 70% con cargo ao Fondo Europeo Marítimo, de Pesca e de Acuicultura (FEMPA).

– Na xuntanza extraordinaria da Rede celebrada o 31 de outubro de 2024, esta valorou positivamente a realización dun Convenio entre a Xunta de Galicia, a través da Consellería do Mar, e o IIM-CSIC para avaliar se os bivalvos de interese marisqueiro da enseada de San Simón teñen suficiente alimento ao longo do ano e determinar os factores que favorecen ou impiden a dispoñibilidade do devandito alimento. Os resultados desta investigación proporcionarán ao sector marisqueiro da enseada de San Simón e doutras zonas de interior das rías galegas datos científicos clave para a toma de decisións, co obxectivo de xestionar e recuperar os bancos marisqueiros intermareais, cuxa produción diminuíu drasticamente nos últimos anos.

– A Consellería do Mar e o IIM-CSIC consideran esencial o establecemento de accións conxuntas que permitan avaliar se os bivalvos de interese marisqueiro da enseada de San Simón teñen suficiente alimento ao longo do ano e determinar os factores que favorecen ou impiden a dispoñibilidade do devandito alimento. A información derivada deste proxecto proporcionará unha avaliación do estado actual e evolución dos recursos e actividade pesqueira que



proporcionará á Consellería do Mar e resto de integrantes da Rede o coñecemento necesario para mellorar a súa xestión e asegurar a sustentabilidade da pesca artesanal en Galicia.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, de 8 de novembro, de Contratos do Sector Público, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2 da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria.

Santiago de Compostela, na data da sinatura dixital

A directora xeral de Desenvolvemento Pesqueiro

María de los Ángeles Vázquez Suárez

